



Broj : 06-1-07-1-1702/09
Datum : 15.04.2009. godine
(R.Š.)

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 21-05-2009			
Organizaciona jedinica	Klasifikaciona oznaka	Redni broj	Broj priloga
01-50-1-15-50/09			

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI/ZASTUPNIČKI DOM
n/r predsjedavajućeg, gospodina Beriza Belkića**

PREDMET: Odgovor na poslanička pitanja

Veza : Vaš akt broj: 01-50-1-15-50/09 od 06.04.2009. godine

Poštovani,

Gospodin Husein Nanić, poslanik u Predstavničkom domu Parlamentarne skupštine Bosne i Hercegovine, na 50. sjednici Predstavničkog doma Parlamentarne skupštine Bosne i Hercegovine, održanoj 01.04.2009.godine, postavio je predsjedniku Centralne izborne komisije Bosne i Hercegovine pitanja sljedeće sadržine :

1. „ Na koliko adresa Centralna izborna komisija je na posljednjim Općim izborima 2006. godine i Lokalnim izborima 2008. godine, poslala zahtjeve za glasanje putem pošte i na koji način CIK dobija podatke o adresama prebivališta naših građana u inostranstvu?
2. Kakvo je objašnjenje Centralne izborne komisije, da od evidentiranih preko 1,3 miliona naših građana u inostranstvu, putem pošte glasa 41.700 ili 0,7%?
3. Šta CIK poduzima da se dobije stvarni broj naših građana sa prebivalištem van BiH, sa pravom glasa putem pošte, te da li je svakom građaninu BiH, koji ima prebivalište van BiH, omogućeno jedno od osnovnih ljudskih prava da bira, bude biran, te ima pristup izbornom procesu?“

Centralna Izborna komisija Bosne i Hercegovine, daje sljedeći

O D G O V O R

Članom 3.15 stav (1) Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08 i 37/08), propisano je da državljanin BiH koji privremeno živi u inostranstvu, a koji ima biračko pravo u skladu s ovim zakonom i upisan je u Centralni birački spisak, da bi se nalazio u izvodu iz Centralnog biračkog spiska za glasanje van Bosne i Hercegovine, dužan je da za svake izbore podnese prijavu Centralnoj izornoj komisiji Bosne i Hercegovine. Prijava mora biti primljena prije roka koji utvrdi Centralna izborna komisija BiH u periodu nakon raspisivanja izbora. Uz ispunjenu

prijavu, koju potpisuje, podnosilac prijave prilaže i dokaz o identitetu podnosioca prijave predviđen ovim zakonom i podatke o tačnoj adresi u inostranstvu, te izjašnjenje o opciji glasanja u diplomatsko-konzularnom predstavništvu BiH ili poštom.

Članom 3.15 stav (2) Izbornog zakona BiH, propisano je da državljanin BiH koji ima **status izbjeglog lica** iz Bosne i Hercegovine, **a koji ima biračko pravo** u skladu s ovim zakonom i **upisan je u Centralni birački spisak**, da bi se nalazio u izvodu iz Centralnog biračkog spiska za glasanje van Bosne i Hercegovine, dužan je da za svake izbore podnese prijavu Centralnoj izbornoj komisiji Bosne i Hercegovine. Uz ispunjenu prijavu, koju potpisuje, podnosilac prijave prilaže i :

- a) dokaz o identitetu podnosioca prijave,
- b) dokaz o državljanstvu BiH,
- c) dokaz o promjeni prebivališta u BiH u skladu sa članom 20.8 Izbornog zakona
- d) podatke o tačnoj adresi u inostranstvu.

Postupajući u skladu sa propisanim ovlaštenjima, član 2.9 kao i 3.15 stav (1) Izbornog zakona BiH, Centralna izborna komisija Bosne i Hercegovine pitanje registracije birača, pa tako i onih koji privremeno žive u inostranstvu ili imaju status izbjeglog lica iz Bosne i Hercegovine, i dodatno je normirala Pravilnikom o vođenju Centralnog biračkog spiska („Službeni glasnik BiH“, br. 37/08 i 69/08).

Članom 25. stavom (3) ovog pravilnika predviđeno je da su državljani BiH, da bi se našli na izvodu iz konačnog Centralnog biračkog spiska za birače koji glasaju izvan BiH, **dužni podnijeti prijavu Centralnoj izbornoj komisiji Bosne i Hercegovine najkasnije u roku od 75 dana prije održavanja redovnih izbora za organe vlasti u Bosni i Hercegovini**.

Državljanin BiH koji se po prvi put prijavljuje za glasanje izvan BiH, popunjavaju obrazac PRP-1 koji sadržava tačno određene podatke (datum održavanja izbora, izjašnjenje o statusu birača: privremeni boravak ili status izbjeglog lica iz BiH, detaljne lične podatke, podatke o prebivalištu u BiH: opština i naseljeno mjesto, ulica i kućni broj, adresa izvan BiH i kontakt podaci : ulica i broj, grad, poštanski broj, država, broj telefona i e-mail adresa, izjašnjenje o načinu glasanja, putem pošte ili u DKP BiH i mjesto glasanja). Svaku prijavu potpisuje podnosilac prijave.

Da bi ovaj jako bitan segment ukupne pripreme izbora bio sasvim transparentan i na najbolji način dostupan onima na koje se odnosi, Centralna izborna komisija Bosne i Hercegovine distribuira obrazac prijave PRP-1 putem :

- diplomatsko-konzularnih predstavništava BiH,
- klubova i udruženja građana BiH u inostranstvu,
- web-strane Centralne izborne komisije BiH i web-strana državnih organa,
- ureda vladinih i nevladinih organizacija koje se bave izbjeglicama i pitanjima migracija,
- neposrednim kontaktima sa udruženjima izbjeglih lica iz Bosne i Hercegovine, kakav je tokom procesa registracije birača (juni 2008. godine), Centralna izborna komisija Bosne i Hercegovine ostvarila u Sjedinjenim Američkim Državama,
- javnim pozivima (putem elektronskih i printanih medija).

Pravilnikom je, isto tako, tačno propisan postupak prema kojem Centralna izborna komisija Bosne i Hercegovine ima obavezu da svim biračima koji su na prethodnim izborima bili upisani u izvod iz Centralnog biračkog spiska za glasanje izvan BiH, nakon raspisivanja izbora, dostavi na njihove adrese koje su prijavili u inostranstvu, takozvani potvrđni obrazac (PRP-2), kojim se validiraju ranije prijavljeni podaci koje je birač prijavio.

Svi državljani BiH koji su na prethodnim izborima bili upisani u izvod iz Centralnog biračkog spiska za glasanje izvan BiH ili se za naredne izbore upišu u izvod iz Centralnog biračkog spiska za glasanje izvan BiH imaju obavezu da Centralnoj izbornoj komisiji Bosne i Hercegovine dostave

informaciju o svakoj promjeni adrese u inostranstvu, kako bi dobili odgovarajući prijavni obrazac, odnosno glasački materijal.

Iz izloženog, kao specifičnog izbornog prava utvrđenog Izbornim zakonom BiH, kakvo je pravo birača koji privremeno žive u inostranstvu ili imaju status izbjeglog lica iz Bosne i Hercegovine, kao i decidne zakonske regulisanosti može se konstatovati da je postupak registracije ove kategorije birača, u cjelosti **aktivan–dobrovoljni čin** svakog pojedinca, sa tačno izraženom namjerom koja samo od njega zavisi, i da Centralna izborna komisija Bosne i Hercegovine, bez obzira na sve napore koje poduzima i potpuno objektivan i transparentan pristup, ima sasvim ograničen domet u doseganju željenog cilja, pod uslovom da iskazani interes pojedinca za pribavljanjem garantovanog mu prava nije adekvatan ili je njegova akcija neblagovremena (i izvan propisanog roka).

Nakon cjelokupno provedenog, prethodno opisanog postupka, Centralna izborna komisija Bosne i Hercegovine je na adrese državljana Bosne i Hercegovine koji imaju staus izbjeglog lica iz Bosne i Hercegovine, ili privremeno žive u inostranstvu za Opšte izbore 2006. godine dostavila 27462 potvrдна obrasca (prijave PRP-2) i za Lokalne izbore 2008. godine 32475 ovih obrazaca.

Centralna izborna komisija Bosne i Hercegovine ima prevashodan cilj da bude u službi građana kao birača, kako u zemlji tako i onih koji privremeno žive u inostranstvu ili imaju status izbjeglog lica iz Bosne i Hercegovine, kako bi svi oni ostvarili elementarno (Ustavom i Zakonom) garantovano ljudsko pravo, da biraju i da budu birani.

Obim uspjeha i kvalitet ukupnog posla, iskazani brojnošću građana koji su se opredijelili da na propisani način ostvare zakonom garantovano biračko pravo (da biraju i budu birani) direktno je uslovljen **voljom pojedinca** kao opredjeljenjem da pravo koje mu je garantovano, za sebe i pribavi.

S poštovanjem,

Dostavljeno :


1. Naslovu,
2. u spis





BOSNA I HERCEGOVINA
VIJEĆE MINISTARA
Generalno tajništvo

Broj: 05-50-3433/09
Sarajevo, 13.11.2009. godine



PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 104. sjednici održanoj 12.11.2009. godine, utvrdilo je Odgovor na zastupničko pitanje koje je Husein Nanić, zastupnik u Zastupničkom domu Parlamentarne skupštine Bosne i Hercegovine, postavio na 50. sjednici ovog doma održanoj 1.4.2009. godine.

U privitku dostavljamo Odgovor uz molbu da isti uručite zastupniku.

S poštovanjem,


GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-3433/09
Sarajevo, 12.11.2009. godine

Husein Nanić, poslanik u Predstavničkom domu Parlamentarne skupštine Bosne i Hercegovine, na 50. sjednici Predstavničkog doma Parlamentarne skupštine Bosne i Hercegovine, održanoj 01. aprila 2009. godine, predao je pitanje sljedeće sadržine:

“ Da li je BiH pokrenula postupak pristupanja Sporazumu ATA Carnet, ako nije kada će biti potpisan ovaj značajan međunarinski sporazum? “

Na postavljeno pitanje Vijeće ministara Bosne i Hercegovine je na 104. sjednici održanoj 12. 11. 2009. godine, utvrdilo sljedeći:

ODGOVOR

1. Dana, 04.03.2009. godine, Ministarstvo vanjske trgovine i ekonomskih odnosa Bosne i Hercegovine je, svojim aktom broj: 04-1-07-2089-3/09, u skladu s članom 4. stava (5) pod d) Zakona o postupku zaključivanja i izvršavanja međunarodnih ugovora BiH („Službeni glasnik BiH“ broj 29/00) zatražilo mišljenje Ministarstva vanjskih poslova o vanjskopolitčkoj ocjeni razloga za pristupanje Bosne i Hercegovine Konvenciji o privremenom uvozu- Istambulskoj konvenciji o ATA karnetu. (u daljnjem tekstu: Konvencija o privremenom uvozu)
2. Ministarstvo vanjskih poslova Bosne i Hercegovine je, svojim aktom broj: 08/1-21-4202/09 od 30.03.2009. godine, podržalo razloge za pristupanje Bosne i Hercegovine Konvenciji o privremenom uvozu.
3. Dana, 14.04.2009. godine, Ministarstvo vanjske trgovine i ekonomskih odnosa Bosne i Hercegovine je, svojim aktom broj: 04-1-07-2089-5/09, u skladu s članom 31. stav (1) tačka a) Poslovnika o radu Vijeća ministara Bosne i Hercegovine („Službeni glasnik BiH“ broj 22/03) zatražilo mišljenje Ureda za zakonodavstvo Vijeća ministara Bosne i Hercegovine o usaglašenosti Konvencije o privremenom uvozu s Ustavom Bosne i Hercegovine.
4. Ured za zakonodavstvo je, svojim aktom broj: 01-02-344/09 od 27.04.2009. godine, predložio da se Nacrt osnova za pokretanje postupka za pristupanje Bosne i Hercegovine Konvenciji o privremenom uvozu uputi u daljnju proceduru.
5. Dana, 29.04.2009. godine, Ministarstvo vanjske trgovine i ekonomskih odnosa Bosne i Hercegovine je, svojim aktom broj: 04-1-07-2089-3/09, u skladu s članom 4. tačka 3) Zakona o postupku zaključivanja i izvršavanja međunarodnih ugovora

- BiH („Službeni glasnik BiH“ broj 29/00) uputio, Generalnom Sekretarijatu Vijeća ministara, Nacrt osnove za pokretanje postupka pristupanja Bosne i Hercegovine Konvenciji o privremenom uvozu.
6. Vijeće ministara Bosne i Hercegovine je, na 87. sjednici održanoj 14.05.2009. godine, utvrdilo Prijedlog osnova za pokretanje postupka pristupanja Bosne i Hercegovine Konvenciji o privremenom uvozu.
 7. Dana, 27.05.2009. godine, Ministarstvo vanjske trgovine i ekonomskih odnosa je, svojim aktom broj: 04-1-07-2089-4/09, uputilo Predsjedništvu Bosne i Hercegovine Prijedlog osnova za pokretanje postupka za pristupanje Bosne i Hercegovine Konvenciji o privremenom uvozu.
 8. Predsjedništvo Bosne i Hercegovine je na 58. sjednici održanoj 10.06.2009. godine donijelo Odluku o pristupanju Bosne i Hercegovine Konvenciji o privremenom uvozu.
 9. Ministarstvo vanjske trgovine i ekonomskih odnosa je, svojim aktom broj: 04-1-07-4428-3/09 od 07.10.2009. godine, uputilo Ministarstvu vanjskih poslova BiH svu potrebnu dokumentaciju radi ratifikacije Konvencije o privremenom uvozu.

U vezi s navedenim ističemo:

Ministarstvo vanjske trgovine i ekonomskih odnosa Bosne i Hercegovine je, u skladu sa Zakonom o postupku zaključivanja i izvršavanja međunarodnih ugovora BiH („Službeni glasnik BiH“ broj 29/00), izvršilo sve potrebne radnje za pristupanje Bosne i Hercegovine Konvenciji o privremenom uvozu.

Obzirom da je do postupka ratifikacije navedene Konvenciji potrebno izvršiti pripreme radnje, dakle potrebno je ovlastiti Vanjskotrgovinsku komoru Bosne i Hercegovine za izdavanje ATA karneta (Vanjskotrgovinska komora je član Međunarodnog biroa privrednih komora /IBCC/ s sjedištem u Parizu- koji odobrava izdavanje karneta ATA ovlaštenoj asocijaciji u zemlji koja pristupa Konvenciji, ovom slučaju Vanjskotrgovinskoj komori BiH).

Nakon sastanka između predstavnika Ministarstva vanjske trgovine i ekonomskih odnosa BiH, Vanjskotrgovinske komore BiH i Uprave za indirektno oporezivanje BiH, održanog 26.06.2009. godine, dogovoreno je da će Vanjskotrgovinska komora BiH pribaviti potrebne informacije vezane za ispunjenje uslova za pristupanje Međunarodnoj uniji garanata, te pokrenuti postupak pristupanja istoj.

Ministarstvo vanjske trgovine i ekonomskih odnosa je pripremlilo Prijedlog zaključka kojim bi Vijeće ministara BiH dalo saglasnost da, Uprava za indirektno oporezivanje BiH i Vanjskotrgovinska komora BiH, sačine ugovor o davanju ovlaštenja za izdavanje karneta ATA o garantovanju uvozne carine i drugih dažbina za robu koja se privremeno uvozi ili je u tranzitu preko carinskog područja Bosne i Hercegovine na osnovu Konvencije o privremenom uvozu.

U vezi s gore navedenim, ističemo, da Ministarstvo vanjske trgovine i ekonomskih odnosa ne može dati odgovor na drugi dio pitanja poslanika Huseina Nanića, a koji se tiče procijene kada će se ova Konvencija početi primjenjivati, obzirom na uslove koje treba ispuniti Vanjskotrgovinska komora BiH prema Međunarodnoj uniji garanata.